



## Aningaasanut Nunanullu Allanut Naalakkersuisoq

### Aningaasaqarnermut Ataatsimiititaliap suliaq nr. 01.31.06/09-00407 pillugu sisamangornermi ulloq 19. marts 2009-mi aalajangiineranik Naalakkersuisunut ilisimatitsineq.

(Naalakkersuisut ulloq 5. marts 2009-mi ataatsimiinneranni imm. 2b)

### **Peqqinnissaqarfimmum ilassutitut aningaasaliissuteqarnissamik qinnuteqaat**

#### Naalakkersuisut **inassutigaa**,

- Kontomi pingaarnermi 32.10.05-imi, *Dronning Ingridip Napparsimmavissuanut tunngasumi*, aningaasaliissutit 2009-mi sulisunut paarlattaasunut atugassanik 14.322.175 kr.-inik amerlineqassasut.
- Kontomi pingaarnermi 32.11.02-mi, *Ineriartortitsinerumt suliniutinullu tunngasumi*, aningaasaliissutit 2009-mi sulisunut paarlattaasunut atugassanik 3.717.538 kr.-inik amerlineqassasut.
- Kontomi pingaarnermi 32.11.02-mi, *Ineriartortitsinerumt suliniutinullu tunngasumi*, aningaasaliissutit 2009-mi sulisussarsiornermut atugassanik 1.120.100 kr.-inik amerlineqassasut.
- Kontomi pingaarnermi 32.10.05-imi, *Dronning Ingridip Napparsimmavissuanut tunngasumi*, aningaasaliissutit 2009-mi ingerlatat qaffanneqarnerannut atugassanik 7.407.000 kr.-inik amerlineqassasut.
- IST-p inernissaatut missingersuutigineqartut 2009-mi 26.566.814 kr.-inik ikilineqassasut.

### **Aningaasaqarnermut Ataatsimiititaliap oqaaseqaatai**

Peqqinnissaqarfimmum katillugit 26,6 mio. kr.-inik ilassutitut aningaasaliissuteqarnissaq Naalakkersuisut suliama matumani qinnutigaa. Aningaasat makkununga atorineqartussat naatsorsuutigineqarput:

- 18,0 mio. kr.: Taartaasartut siunertamut immikkut atorfinitsinneqartut ikiortigalugit Dronning Ingridip Napparsimmavissuani siniffiit atorunnaarsinneqarsimasut 1. septemberip tungaanut ammaqinneqarnissaat.
- 1,1 mio. kr.: Peqqissaasut aalajangersimasumik atorfeqartussat amerlanerusut sulilersinniarlugit ussassaarineq.
- 7,4 mio. kr.: Inooriaatsimik aallaaveqartumik nappaatillit amerliartuinnartut katsorsarneqarnissaannik aningaasalersuineq.

1. septemberimit ukiup sinnera ilanngullugu taartaasartunut atugassatut missingersuutigineqareersimasut saniatigut aningaasartuuteqarnissaq pisariaqassanngitsoq

neriuutigigitsik peqqinnissaqarfimmi qullersat oqaatigigaat Aningaasaqarnermut Ataatsimiititaliamit maluginiarneqarpoq. Taamatut neriuuteqarneq piviusorsiuunngitsoq paasinarsissagalarpat, tamanna qaammatini kingullerni sisamani qaammammut 3 mio. kr.-inik aningaasartuuteqarnerunermik nassataqarsinnaavoq.

Aammattaaq Nunatta Karsiata 2008-mut naatsorsuutaasa suliarineqarnerat piareerniariarpat Namminersornerullutik Oqartussat kontoini pingaarnerni tamani sipaarniarneq aningaasalersuutissatut periarfissat aappaattut aallartinniarneqartoq Aningaasaqarnermut Ataatsimiititaliamit maluginiarneqarpoq. Tamatumani Naalakkersuisut qularnanngitsumik pimoorussillutik suliniuteqarnerisa inernerannik erseqqinnerusumik tusagaqarnissaq ataatsimiititaliamit qilanaarineqarpoq.

Aningaasaqarnermut Ataatsimiititaliap naggasiullugu Naalakkersuisunut eqqaasitsissutigissavaa aningaasaliissuteqarnissamik qinnuteqaatini missingersuutit kisitsisitaat 1000 kr.-inngorlugit nalunaarneqartassammata, tak. missingersuusiornermut malittarisassami 2008-meersumi immikkoortoq 4.3. Tamatuma saniatigut kontomut pingaarnermut 32.10.05-imut, Dronning Ingridip Napparsimmavissuanut tunngasumut, missingersuutitut ilanngussami nassiunneqartumi sulisorisassat missingersuutitut ilanngussap 2009-mi ilassutitut aningaasaliissutitut inatsimmut ilanngunneqannginnerani ukioq naallugu sulisorisatut eqqortumik naatsorsorneqarsimanersut misissorneqassaaq.

**Aningaasaqarnermut Ataatsimiititaliap aalajangiinera**

Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Inussiarnersumik inuulluaqqusillunga

Augusta Salling  
Aningaasaqarnermut Ataatsimiititaliap siulittaasua